

Safnaðarblað Glerárkirkju

3. tbl. 15. árg.

Desember 2002



Gledileg
jól!



- Sigur lífsins -

Sérhvert barn, sem í heiminn fæðist er siguróður lífsins frá skapanum kominn til okkar. Í sakleysi þess má sjá endurskin himneskrar fegurðar. Þetta fáum við skynjað í hjörtum okkar þótt við skiljum það ekki til fulls.

Eins er með boðskap jölanna. Við skynjum lengra og dýpra en við skiljum. Höfundur lífsins sjálfur vitjaði manna með sérstökum hætti er Jesús Kristur fæddist í Betlehem forðum og var lagður í jötu. Hann kom í þennan heim til að flytja siguróðinn mesta. Allt frá fæðingu til Golgata var vegferð hans ein samfelld sigurganga. Á krossinum var sigurinn hulinn en í upprisunni opinberaðist hann. Því getum við í ljósi upprisunnar litið til krossins og séð í honum boðskapinn um sigurinn stærsta. Krossinn er orðinn að sigurtákni trúarinnar. Tákn um sigur lífsins - sigur kærleikans og ljóssins.

Þennan boðskap bera jölin með sér til þín og allra sem við því vilja taka. Barnið saklausa sem í jötunni lá lýkur upp hjört-

um manna og á krossinum lýkur hann sömuleiðis upp gáttum himnanna. Þar breiðir hann út armana og segir - „Komið til mín...“ og hann segir - „...verið hugbraust ég hef sígrað þeiminn“.

Allur boðskapur fagnaðarerindisins fylgir jólaguðspjallinu. Hann er ein samofin heild og ber ávalt að lesa og skilja í sínu heildarsambengi. Glediboðskapurinn um Krist og sérhver hátið kirkjunnar boða sigur Guðs og björgun. Því eru jölin okkur í senn há og djúp. Barnið sem forðum fæddist í Betlehem og var látið heita Jesús (- orðið Jesús merkir Guð bjargar), vitjar manna enn. Og hann vill vitja þín um þessi jól og fara þér sigur lífsins.

Guð gefi þér og fjölskyldu þinni gleðilega jólahátið.

Sr. Gunnlaugur Garðarsson,
sóknarprestur

Tíu ára vígsluafmæli Gleráarkirkju

Undanfarna mánuði hafa meiri umsvif verið hjá sóknarnefnd Lögmannshliðar-sóknar en endranær og fyrir því eru nokkrar ástæður. Við vígslu kirkjunnar fyrir tíu árum var verkefninu ekki að fullu lokið. Bygging kirkjunnar var viðmikið verkefni og því var nauðsynlegt að gera hlé á frekari framkvæmdum meðan jafnvægis yrði leitað að nýju í rekstri - og það hefur tekist. Fjölgun í sókninni hefur verið hröð og meðalaldur sóknarbarna hér er lægri en víðast annars staðar. Þetta allt kallar á aukið starf í kirkjunni sem aftur knýr á um breytingar á aðbúnaði og þjónustu og eru sumar þeirra fyrir margt löngu orðnar tímabærar. Á síðastliðnu vori var því afráðið að hefjast handa að nýju við þær brýnu framkvæmdir sem fyrir-liggjandi voru. Jafnframt var stefnt að því að ljúka þessum verkum fyrir tíu ára afmæli kirkjunnar annan sunnudag í aðventu næstkomandi og hefur það allt gengið eftir. Hér verður stuttlega greint frá þessum verkum.

Byggingu klukknaportsins var ekki að öllu lokið og viðkvæmur búnaður klukkanna var því óvarinn. Við svo búíð mátti ekki lengur standa þar sem frekari bið á frágangi gæti skaðað klukkuverkið. Nú hefur verið byggt þak yfir klukknaportið, eins og upphaflega var ráðgert.

Eins og kirkjugestir hafa séð á myndum í anddyri kirkjunnar er ráðgert að steint gler verði sett í glugga kirkjuskips-



Drög að tillögum um suðurglugga.

ins. Glerverk þetta er mikið listaverk en höfundur þess er hinn víðkunni listamaður Leifur Breiðfjörð. Fyrsti hluti verksins er nú tilbúinn og er um að ræða gluggann yfir anddyri á vesturhlíð, sem jafnframt er stærsti gluggi kirkjunnar. Kvenfélagið Baldursbrá hleypti þessu verki af stað í samráði og samvinnu við sóknarnefnd og sóknarprest. Þar sem um viðamikið verk er að ræða var í fyrstu gert ráð fyrir að báðir aðilar leystu þetta verk sameiginlega en svo skörulega hafa kvenfélagskonur starfað og safnað að nú blasir við sú staðreynd að þær munu sjálfar leysa allt þetta verk af hendi. Það má hafa mörg orð um stuðning og velvild kvenfélagskvenna

til kirkju og sóknar allt frá stofnun prestakallsins en hér er sannarlega brotið í blað. Unnið er nú að uppsetningu glerverksins og verður gjöfin formlega afhent og helguð við hátíðamessu í tilefni afmælis kirkjunnar þar sem biskup Íslands, herra Karl Sigurbjörnsson, mun vígja nýja kapellu kirkjunnar og ný þjónustualma verður tekin í notkun. Seint verður fullpakkaður sá hugur sem kvenfélagskonur hafa sýnt kirkjunni allt frá upphafi og fáheyrt er um slíkt framtak sem þetta. Sóknarnefnd Lögmannshliðarsóknar færir Kvenfélaginu Baldursbrá innilegar þakkir og biður þeim Guðs blessunar um ókomna tíð.

Af tilefni gjafar kvenfélagsins er jafnframt rétt að geta þess að daginn fyrir hátíðarmessuna, laugardaginn 7. desember kl. 14:00, verður opnuð sýning á verkum listamannsins, Leifs Breiðfjörð, í anddyri kirkjunnar. Yfirskrift sýningarinnar er „Sigur lífsins“ og samanstendur hún af röð 15 myndverka sem tengjast þessu tema. Við það tækifæri mun Pétur Pétursson (Sigurgeirssonar biskups), prófessor við Guðfræðideild Háskóla Íslands, flytja erindi um efnið: Trúin og listin.

Enn skal vikið að framkvæmdum við kirkjuna. Suðuralma kirkjunnar sem um

Frá Kvenfélaginu Baldursbrá

Nú er aðventan hafin með þeirri tilhlökkun og eftirvæntingu sem hana einkennir. Aðventa merkir koma og er undirbúningstími. Við undirbúum okkur fyrir komu Jesú Krists. Það má ef til vill líkja síðastliðnu ári hjá okkur kvenfélagskonum við aðventu, það er tilhlökkun og undirbúning fyrir komu. Í okkar tilviki var það koma gluggans, sem við erum búnar að vera safna fyrir síðastliðin 8 ár, eða allt frá því að félagskonur stofnuðu sjóð í minningu **Judithar M Sveinsdóttur** við fráfall hennar 14 ágúst 1994. Nú síðustu ár undir heitinu „Söfnun fyrir steindum glugga“. Allt hefur þetta gerst með miklu meiri hraða en okkur óraði fyrir í upphafi, og er það ekki einvörðungu okkar verk í kvenfélaginu, heldur einnig

allra þeirra sem sýnt hafa stuðning í öllum okkar verkum í gegnum tíðina, öðruvísi hefði þetta ekki tekist. Við þökkum af alhug öllum þeim, sem lögðu söfnuninni fyrir steindum glugga lið.

Þann 8 desember munum við afhenda Gleráarkirkju að gjöf glerlistaverk í glugga eftir Leif Breiðfjörð, við hátíðlega athöfn í Gleráarkirkju. Ég vil óska öllum sóknarbörnunum til hamingju með 10 ára vígsluafmæli kirkjunnar, nýja kapellu, steindan glugga og lokafrágang á þjónustualmu. Guð blessi okkur öll og gefi gleðilega og friðsæla jólahátíð.

*Sigurveig S. Bergsteinsdóttir,
formaður*



Drög að tillögum um glugga.

skeið var í leigu Síðuskóla hefur nú verið innréttuð sem þjónustuálma kirkjunnar eins og upphaflega var ráðgert og áður er getið. Tímasetning þessara framkvæmda nú er því ekki tilviljun ein og ekki ein-göngu tengd afmæli kirkjunnar.

Áður er nefnt að sóknarbörnum hefur fjölgað mjög undanfarin ár. Sóknin hefur um langa tíð verið meðal þeirra stærstu á landinu þegar lagt er til grundvallar fjöldi sóknarbarna á hvern prest. Skylda kirkjunnar við sóknarbörn um hvers kyns þjónustu hefur því eðlilega aukist og höfum við fullan metnað til að mæta þeim þörfum og skyldum. Í þessu sambandi má



Glugginn góði - gjöf kventfélagsins

nefna að í undirbúningi hjá sóknarnefnd er að ráða djákna til starfa með áherslu á aukið barna- og unglingarstarf innan sóknarinnar. Ráðning djákna til kirkjunnar er fyrir löngu orðin tímabær en þröngur hagur sóknarinnar hefur ekki leyft það fyrr. Biðlund sóknarprests okkar vegna þessa er við brugðið. Þá hefur þess lengi verið beðið með óþreyju að aðstoðarprestur verði ráðinn til sóknarinnar. Líkur eru nú taldar á að úr þessu muni rætast innan tíðar - jafnvel innan eins árs, ef vel tekst til.

Nýjum starfskröftum og aukningu í þjónustu kirkjunnar verður að skapa samsamandi starfsaðstöðu. Vegna alls þessa afréð Sóknarnefnd að ráðast í frágang þjónustu-álmunnar sem fyrr er sagt frá. Í álmunni verða skrifstofur presta, djákna, organista og umsjónarmanns, aðstaða fyrir Kór Glerárkirkju, umsjónarmanna ýmissa þátta kirkjustarfsins, fundaraðstaða, kaffi-aðstaða starfsfólks, að gleymdri kapellunni, sem fyrr er getið. Sóknarnefnd hefur tekist að ljúka þessum viðamiklu framkvæmdum í einum áfanga og kemur þar til veglegur stuðningur og velvilji eins sóknarbarns, sem nefna ber sérstaklega og þakka, en kirkjunni var ánafnaður veglegur hluti úr dánarbúi hennar. Þessi mæta



Ásrún Pálsdóttir,
fædd 30. janúar 1913, dáin 14. júlí 2001.

kona var Ásrún Pálsdóttir, sem bjó hér í Glerárhverfi mestan hluta síns lífs eftir að hún flutti hingað til Akureyrar. Hún var mikill velunnari kirkjunnar og vildi veg hennar sem mestan. Fyrir hönd sóknarnefndar og allra sóknarbarna vottum við minningu hennar virðingu með þakklæti í huga.

Auk þessa er tilhlýðilegt að geta þess hér að sóknin hefur notið styrks og hvatningar kirkjufirvalda í hvívetna á undanförunum árum og ber að þakka það sérstaklega. Þá ber einnig að þakka öllum starfsmönnum kirkjunnar þolinmæði þeirra um langa hríð. Síðast en ekki síst ber að þakka umsjónarmanni kirkjunnar, Sverri Pálmasyni, en hann hefur haft umsjón með öllum framkvæmdum og stýrt þeim af dugnaði og útsjónarsemi.

Með þessu starfi kemur fram vilji sókn-

arnefndar og starfsmanna kirkjunnar til að bæta öll ytri skilyrði við kirkjuna til að styrkja og efla safnaðarstarf sóknarbörnum til heilla.

Sóknarnefnd verður ekki verkefnalaus þegar þessum framkvæmdum lýkur. Fram undan er gerð áætlana um að ljúka við gerð annarra steindra glugga sem áformaðir eru og stefna að kaupum og uppsetningu á veglegu pípuorgeli þegar aðstæður leyfa. Það þarf ekki frjótt ímyndunarafli til að sjá fyrir sér þá eðlisbreytingu sem verður á kirkjunni okkar þegar þeim verkum lýkur. Það er tilhlökkunarefni að takast á við slík viðfangsefni, ekki síst þegar sóknarnefnd finnur allan þann velvilja og stuðning sem sóknarbörn, einstaklingar, félög og stofnanir hafa sýnt þessum helgidómi.

Með þessum orðum er látið staðar numið í frásögn um helstu störf sóknarnefndar að undanförunu með þeirri ósk að kirkjan megi áfram njóta sterks stuðnings sóknarbarna sem og annarra velunnara, sem vissulega eru fjölmargir.

Sóknarnefnd Lögmansshlíðarkirkju óskar öllum sóknarbörnum til hamingju með framangreinda áfanga kirkjunnar og biður að Guð gefi öllum gleðirík jól og farsælt komandi ár. Megi boðskapur jóla færa öllum frið og sanna gleði.

Eh. sóknarnefndar

Lögmansshlíðarsóknar,

Jónas Karlsson, formaðu

Glaðir gjafarar!

Á þessari mynd af „Opnu húsi fyrir foreldra og börn“ má sjá þátttakendur virða fyrir sér nýja kertastjaka kirkjunnar, sem ungar mæður í sókninni söfnuðu fyrir. Auk þessa söfnuðu umsjónarmenn *Opna hússins*, þær Pia Maud Petersen og Anna Egilsdóttir fyrir stafrænni ljósmyndavél ásamt meðfylgjandi forriti, sem koma munu að góðum notum í safnaðarstarfinu. Fyrir þetta góða framlag ber okkur að þakka.

Athafnir á aðventu, um jól og áramót

7. desember: Opnun sýningarinnar: „*Sigur lífsins*“

- myndlistarverk Leifs Breiðfjörð, kl. 14.00
Prófessor Pétur Pétursson flytur fyrirlestur:
„Listin og trúin“ - Tónlist og léttar veitingar

8. desember:

Tíu ára vígsluafmæli Glerárkirkju

- **Barnasamvera kl. 11.00**
- **Vígsla kapellu og hátíðarmessa kl. 14.00**
Kvenfélagið Baldursbrá afhendir steindan glugga, sem helgaður verður við messuna.
Herra Karl Sigurbjörnsson, biskup, vígir kapellu og predikar.
Kór Glerárkirkju syngur
Einsöngur: Sigrún Arna Arngrímsdóttir, mezzo-sópran
Orgel: Eyþór Ingi Jónsson
Organisti: Hjörtur Steinbergsson
Ath: Léttar veitingar eftir messu.

15. desember:


- **Barnasamvera og guðsþjónusta kl. 11.00**
Kór Menntaskólans á Akureyri syngur
Stjórnandi: Erla Þórólfsdóttir
Aðventukvöld kl. 21.00
Ræðumaður: Einar Karl Haraldsson, stjórnarformaður
Hjálparstarfs Kirkjunnar
Barnakór Glerárkirkju og Kór Glerárkirkju syngja
Stjórnendur: Björn Þórarinsson og Hjörtur Steinbergsson

19. desember:

- **Samvera eldri borgara kl. 15.00**
Gestur samverunnar verður Hannes Sigurðsson, forstöðumaður Listasafnsins á Akureyri, og fjallar hann um efnið: „*Ævintýri listarinnar*“
Að venju verður helgistund, tónlist og léttar veitingar.

21. desember:

- **Jólatónleikar Kórs Glerárkirkju kl. 17.00**
Einsöngur: Alda Ingibergsdóttir, sópran



Orgel: Eyþór Ingi Jónsson
Stjórnandi: Hjörtur Steinbergsson

22. desember:

Barnasamvera kl. 11.00

24. desember: Aðfangadagur jóla

- **Aftansöngur kl. 18.00**
Einsöngur: Björg Þórhallsdóttir, sópran
Félagar úr Kór Glerárkirkju syngja
Organisti: Hjörtur Steinbergsson
Lúðrasveit Akureyrar leikur í forkirkju frá kl. 17.30
- **Miðnæturmessu kl. 23.30**
Félagar úr Kór Glerárkirkju syngja
Organisti: Hjörtur Steinbergsson

25. desember: Jóladagur

- **Hátíðarguðsþjónusta kl. 14.00**
Sr. Guðmundur Guðmundsson þjónar
Kór Glerárkirkju syngur
Einsöngur: Örn Viðar Birgisson, tenór
Organisti: Hjörtur Steinbergsson

26. desember: Annar dagur jóla

- **Fjölskylduguðsþjónusta kl. 14.00**
Barnakór Glerárkirkju syngur
Stjórnandi: Björn Þórarinsson

31. desember: Gamlársdagur

- **Aftansöngur kl. 18.00**
Séra Haukur Ágústsson prédikar
Félagar úr Kór Glerárkirkju syngja
Organisti: Hjörtur Steinbergsson

1. janúar 2003: Nýársdagur

- **Hátíðarmessa kl. 16.00**
Einsöngur: Michael Jón Clarke, bariton
Félagar úr Kór Glerárkirkju syngja
Organisti: Hjörtur Steinbergsson

Munið!

Opið hús fyrir foreldra og börn alla fimmtudaga kl. 10-12 • Kyrrðar- og tilbeiðslustund alla þriðjudaga kl. 18.00 • Hádegissamveru alla miðvikudaga frá kl. 12-13.

Viðtalstími sóknarprests

sr. **Gunnlaugs Garðarssonar** er í kirkjunni á þriðjudögum og fimmtudögum kl. 16.30-17.30 og á miðvikudögum og föstudögum kl. 11-12 og eftir samkomulagi.

Síminn í kirkjunni er **462 7575**, heimasími **462 7676** og farsími **864 8455**. Netfangið er **srgunnlaugur@simnet.is**

Starfsmenn við Glerárkirkju:

Umsjónarmaður er **Sverrir Pálmason**. Hann er við daglega kl. 11-16. Sími **461 2391**. Heimasími hans er **462 2491**.

Organisti er **Hjörtur Steinbergsson**. Viðtalstímar eru í Glerárkirkju á þriðjudögum og miðvikudögum kl. 11-12. Sími **461 2391** & **GSM 862 2316**

Kirkjuvörður er **Bertha Bruvik**
Heimasími hennar er **865 4556**.

Ráðskona í eldhúsi er **Þórhildur Þórhallsdóttir**.
Heimasími hennar er **462 4258** & **GSM 862 4258**.



Ábyrgðarmaður: Sr. Gunnlaugur Garðarsson • Uppsetning: ghs • Prentvinnsla: Alprent.